



Broj: 02-04-29/21-AP-25
Datum: 27.04.2021. godine

Na osnovu tačke III Rješenja o osnivanju Privrednog savjeta općine Zavidovići broj: 02-05-1818/17-AP-2 od 22.05.2017. godine („Službeni glasnik Općine Zavidovići“, broj: 5/2017), Privredni savjet općine Zavidovići na svojoj 13. sjednici održanoj 27.04.2021. godine donosi

POSLOVNIK

o izmjenama i dopunama Poslovnika o radu Privrednog savjeta općine Zavidovići

Član 1.

U Poslovniku o radu Privrednog savjeta općine Zavidovići 02-05-1818/17-AP-12 od 30.06.2017. godine iza člana 3. dodaje se novi član 3a. koji glasi:

„Član 3a.

(1) Izuzetno od član 3. ovog Poslovnika sjednice Privrednog savjeta se mogu održavati putem videoprenosa i videotehnologije u slučaju da zbog opravdanih razloga sjednica se ne može održati unutar prostorije, ukoliko za to postoje tehničke pretpostavke.

(2) Zakazivanje sjednica i dostavljanje materijala se vrši u elektronskoj formi u rokovima propisanim u članu 3. ovog Poslovnika“.

Član 2.

U članu 6. iza stava (1) dodaje se novi stav (2) koji glasi:

(2) Broj sjednica Privrednog savjeta tokom kalendarske godine ne može biti manji od četiri sjednice i održavaju se svaka tri mjeseca odnosno kvartalno tokom kalendarske godine, ako materijali koje razmatra Privredni savjet ili drugi opravdani razlozi ne zahtjevaju održavanje sjednice u drugom terminu“.

Dosadašnji stav (2) postaje stav (3).

Član 3.

U članu 7. stav (2) mijenja se i glasi: „Broj članova Privrednog savjeta određuje se rješenjem o njegovom formiranju i može raditi i odlučivati ako je na sjednici prisutna natpolovična većina svih članova“.

Iza stava (2) dodaje se novi stav (3) koji glasi:

„(3) Općinski načelnik je obavezan prisustvovati sjednicama Privrednog savjeta bez obzira da li je član Privrednog savjeta, osim u slučaju kada iz opravdanih razloga nije u mogućnosti prisustvovati sjednici“.

Dosadašnji stavovi (3), (4) i (5) postaju stavovi (4), (5) i (6).

Član 4.

U članu 8. iza stava (2) dodaje se novi stav (3) koji glasi:

(3) Dnevni red mora sadržavati tačku u kojoj će se razmatrati status i izvršenje zaključaka, prijedloga i sugestija Privrednog savjeta na prethodnim sjednicama.“

Član 5.

U članu 14. stav (2) alineja 5. riječi „općinskom načelniku“ zamjenjuju se riječima „Privrednom savjetu“.

Iza alineje 5. dodaje se nova alineja 6. koja glasi:

„- prikuplja podatke i informacije o statusu i izvršenju zaključaka, prijedloga i sugestija Privrednog savjeta od subjekata zaduženih za njihovo izvršenje i izvještava Privredni savjet o tome“.

Dosadašnje alineje 6. i 7. postaju alineje 7. i 8.

Član 6.

Ovaj Poslovnik stupa na snagu danom donošenja i objavit će se na web stranici Općine Zavidovići.

PREDsjedNIK PRIVREDNOG
SAVJETA OPĆINE ZAVIDOVIĆI

Dr. sc. Hašim Mujanović

